



**REKOD MEMBANGGAKAN...** Kelab MSAE-SC UPMKB yang terdiri sembilan pelajar Diploma Kejuruteraan Teknologi Pertanian merakam kenangan di UniMAP.

## Kelab MSAE-SC UPMKB terus bersinar

**BINTULU:** Kelab MSAE-SC Universiti Putra Malaysia Kampus Bintulu (UPMKB) berjaya merangkul dua pingat emas, satu pingat perak dan satu pingat gangsa dalam Pertandingan 'Exhibition for Young Agricultural & Food Engineers Technology dan Amazing Race' di Universiti Malaysia Perlis (UniMAP) pada 10 Mei hingga semalam.

Menurut satu kenyataan daripada UPMKB, ahli kelab yang terlibat adalah merupakan sembilan pelajar Diploma Kejuruteraan Teknologi Pertanian (DKTP) iaitu Wan Amrin Aniq Wan Abu Manshor, Akmal Mirza Asbanizam, Fazrul Aiman Zainon, Nur Naziirah Batrishia Mokhlis, Nur Hurin Husna Rafiee, Nora Aniza Riduan, Yohanes Laing Zakaria, Tan Yu Xian dan Simon Merinding.

"Mereka berada di bawah bimbingan penasihat kelab MSAE-SC UPMKB, Dr. Nor Hanifawati Inai dan pensyarah Jabatan Sains dan Teknologi UPMKB Gs. Dr. Hajjah Wan Nor Zanariah Zainol @ Abdullah dan Ts. Dr. Nozieana Khairuddin," katanya.

Pertandingan tersebut bersempena Program '10th Southeast Asian Agricultural and Food Engineering Student Chapter

Annual Regional Convention' (ARC2024).

Difahamkan, pertandingan itu turut disertai oleh para pelajar dari Indonesia (Universitas Brawijaya, Universitas Gadjah Mada, Universitas Andalas, Universitas Mataram, Universitas Hasanuddin), Thailand (Suranaree University of Technology dan Maejo University).

Sementara itu, beberapa universiti dan institusi pengajian tinggi tempatan lain yang terlibat ialah UPM Serdang, UniMAP, Institut Kemahiran Tinggi PERDA, Universiti Malaysia Terengganu (UMT), Universiti Sultan Zainal Abidin (UniSZA), Universiti Teknologi Mara (UiTM) Jasin, UiTM Arau, Politeknik Kota Bharu dan Politeknik Jeli.

Ujar kenyataan itu lagi, program selama enam hari tersebut bertujuan memberi peluang kepada para pelajar berlatarbelakangkan jurusan kejuruteraan pertanian dari negara-negara ASEAN bagi bertukar pengalaman dan pendapat dalam bidang terbabit.

"Kepelbagaian penyertaan ini diharapkan dapat membuka ruang bagi para peserta untuk menimba pengalaman baharu dan menjalin hubungan baik sesama bakal jurutera pertanian di negara ASEAN," katanya.